

Na osnovu člana 69. stav (2), tačka d), člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14 i 59/22), te na osnovu preporuke Komisije za nabavke, a po provedenom postupku javne nabavke robe otvorenog postupka i u skladu sa tačkom I Rješenja o prenosu ovlaštenja na državnog službenika u organu državne službe broj: 02/04-A-7306-2023 od 03.05.2023.godine, Pomoćnik gradonačelnika za Službu civilne zaštite, donosi

**ODLUKU
o poništenju postupka javne nabavke**

Član 1.

Poništava se postupak javne nabavke specijalnog vatrogasnog navalnog vozila – vatrogasni kamion u skladu sa članom 69. stav (2), tačka d) Zakona o javnim nabavkama („Sl. glasnik BiH“, broj 39/14 i 59/22), odnosno iz razloga što jedina dostavljena ponuda nije prihvatljiva.

Član 2.

Ova odluka se dostavlja ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.tuzla.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11/11-C-000549-2023 od 22.08.2023. godine. Postupak nabavke je proveden putem otvorenog postupka javne nabavke za koji je objavljeno Obavještenje o nabavci broj: 1004-1-1-96-3-156/23 na Portalu javnih nabavki dana 29.08.2023. godine.

Postupak nabavke provela je Komisija za nabavke imenovana Rješenjem broj: 11/11-C-000549-2023 od 22.08.2023.godine.

U toku postupka javne nabavke primljena je 1 (jedna) ponuda koja je blagovremena ali koja je ocijenjena neprihvatljivom.

U postupku donošenja ove odluke, posebno su ocijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Detaljno obrazloženje razloga za poništenje navedeno je u Zapisniku o pregledu i ocjeni ponuda, broj: 11/11-C-000549-2023 od 25.10.2023. godine koji se dostavlja uz ovu Odluku ponuđaču koji je učestvovao u postupku nabavke.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama.

Iz navedenih razloga, primjenom člana 69. stav (2), tačka d) Zakona o javnim nabavkama („Sl. glasnik BiH“, broj 39/14 i 59/22), odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba civilne zaštite
Broj: 11/11-C-000549-2023
Datum, 25.10.2023.godine**

**Pomoćnik gradonačelnika
za Službu civilne zaštite**

mr. sc. Mirela Uljić, dipl. ing. građ.